

PREMIO A PROXECTO DE SERIE EN GALEGO

OBXECTO

O Carballo Interplay, na súa 8ª edición, que terá lugar en Carballo no mes do 8 ao 11 de setembro, convoca o premio a proxectos de serie en galego, que ten por obxectivo a incentivación e o fomento da creación e a difusión de contidos audiovisuais orixinais en lingua galega en internet.

PRAZO

Poderán presentarse proxectos dende a publicación das bases ata o 31 de xullo de 2021.

CARACTERÍSTICAS DOS PROXECTOS

Os proxectos presentados a este premio deben estar referidos á creación de contidos audiovisuais que han reunir as seguintes características básicas:

- Deben ser creacións audiovisuais propias e orixinais.
- Poden ser de imaxe real, animación, stop motion, técnica combinada, etc.
- As creacións audiovisuais deben estar pensadas para seren publicadas e difundidas a través de internet e mediante capítulos, episodios ou partes.
- Non hai ningún tipo de restrición de temática, xénero, estilo, nin persoas destinatarias, sempre que non conteñan ningún tipo de contido ofensivo contra ninguén.
- Deben ser gravadas orixinalmente en galego e esta debe ser a lingua do seu título e créditos.

PREMIO

O premio ten unha dotación económica de 3.000 euros e deberá destinarse exclusivamente á produción de, polo menos, tres vídeos da serie do proxecto premiado.

O premio estará suxeito ás posibles retencións fiscais que a lei estableza.

DOCUMENTACIÓN REQUERIDA

Os/as solicitantes deberán enviar ao enderezo electrónico direccion@carballointerplay.com, e indicando no asunto do correo "**Proxecto de serie en galego**", a seguinte documentación nun arquivo en formato pdf.

- Historial profesional do/a solicitante, persoa, entidade ou produtora.
- Sinopse do proxecto (máximo 1 páxina).
- Memoria explicativa do proxecto (máximo 5 páxinas).
- Guión do primeiro capítulo.
- Calendario da produción.
- Currículo do equipo técnico e artístico.
- Plan de comunicación e presenza en RRSS.
- Ligazón a teaser visual da webserie.
- Calquera outra documentación que o/a solicitante considere pertinente para a mellor defensa do proxecto.

CARBALLO INTERPLAY**FESTIVAL DE CONTIDOS DIXITAIS****VIII EDICIÓN****PROXECTOS FINALISTAS**

O comité de selección nomeado para o caso escollerá os proxectos finalistas.

Os/as responsables dos proxectos finalistas terán que defender o seu proxecto facendo un piching nun tempo máximo de 15 minutos ante os/as membros do xurado específico para esta convocatoria, coa intención de convencer da calidade, orixinalidade, necesidade e viabilidade do proxecto.

O xurado poderá facer preguntas para coñecer mellor o proxecto presentado.

O piching será aberto ao público e terá lugar dentro da programación do festival.

XURADO ESPECÍFICO

O xurado específico estará composto por persoas de recoñecida capacidade dos ámbitos do audiovisual, da creación en rede e da normalización lingüística, un representante do Concello de Carballo e un representante do equipo directivo do festival. O xurado específico publicárase na páxina web do festival.

Valorárase a creatividade e a orixinalidade da proposta, a calidade creativa e audiovisual e o impacto favorable para a posta en valor do galego, así como a súa viabilidade de cara á produción.

O Concello de Carballo resérvase o dereito de deixar deserto o premio no caso de non concorreren a concurso un mínimo de tres proxectos finalistas.

O proxecto de serie premiada farase público o día da gala de entrega de premios do festival. Cando menos un/ha dos/as representantes de cada proxecto finalista deberá estar presentes na devandita gala.

OBRIGAS DO/A BENEFICIARIO/A

Polo menos tres vídeos da serie resultante deberán estar finalizados para ser estreados na 9ª Edición do Festival CARBALLO INTERPLAY.

ORGANIZA**CARBALLO: A UN PASO**
COSTA DA MORTE**DIRIXE E PRODUCE****CÓSMICA**
PRODUCCIÓN